

Na osnovu tačke III Programa raspodjele namjenskih sredstava Ministarstva prostornog uređenja i zaštite okolice za 2026. godinu, člana 5. Uredbe o načinu raspodjele i ulaganja prikupljenih naknada za posebne kategorije otpada i uvjetima za dodjelu poticajnih sredstava („Službene novine Federacije BiH“, broj: 59/21), člana 3. i 4. Pravilnika o postupku odobravanja sredstava za ulaganja u infrastrukturu upravljanja otpadom od 02.09.2026. godine, Ministarstvo prostornog uređenja i zaštite okolice Tuzlanskog kantona objavljuje

JAVNI KONKURS
za dodjelu sredstava privrednim društvima u privatnom vlasništvu za ulaganja u infrastrukturu upravljanja otpadom

1. Predmet javnog konkursa

Predmet javnog konkursa je prikupljanje prijava privrednih društava u privatnom vlasništvu za dodjelu sredstava za kapitalna ulaganja u infrastrukturu upravljanja otpadom i to za projekte koji se odnose na nabavku vozila za prikupljanje otpada, nabavka mašina i uređaja za obradu otpada, nabavku kontejnera za skupljanje otpada, izgradnju reciklažnih dvorišta i slični kapitalni projekti koji se odnose na ulaganja u infrastrukturu upravljanja otpadom a koji će biti upisani kao osnovno sredstvo u poslovne knjige privrednog društva.

2. Korisnici sredstava koji imaju pravo na podnošenje prijave

Pravo učešća na javnom konkursu imaju privredna društva u privatnom vlasništvu koja su registrovana za obavljanje djelatnosti upravljanja otpadom, a koja imaju sjedište, obavljaju djelatnost upravljanja otpadom na području Tuzlanskog kantona.

3. Uslovi koje podnosioci prijave moraju ispunjavati

Projekti koji će se uzeti u razmatranje se dostavljaju na posebnom obrascu koji sadrži:

- naziv projekta,
- oblast zaštite okolice na koju se odnosi projekt,
- ciljevi projekta (na koji način doprinosi rješavanju problema),
- detaljni opis projekta (opisati po fazama i po mogućnosti opisati sve projektne aktivnosti i dinamiku realizacije), sa eventualnom potrebnom pratećom dokumentacijom (skice, planovi, crteži, fotografije, CD prezentacije i slično),
- specifikaciju troškova sa visinom sredstava koja se potražuju od Ministarstva (navesti detaljnu specifikaciju),
- rok realizacije projekta,
- sufinansiranje projekta (dokaz – odluka nadležnog organa privrednog društva i navesti % sufinansiranja),
- efekat realiziranja projekta za okoliš i stanovništvo.

Neće se uzeti u razmatranje prijave privrednih društava u privatnom vlasništvu:

- koja ne dostave dokumentaciju za dokazivanje ispunjavanja uvjeta iz ovog konkursa i koja ne razrade projekat kako je definirano ovim Javnim konkursom i
- koja su dobila finansijsku pomoć od ovog Ministarstva, ako nisu ispunila obavezu pravdanja dodijeljenih sredstava.

4. Popis dokumenata koje je potrebno priložiti uz prijavu

Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

- a) aktuelni izvod iz sudskog registra društava,
- b) uvjerenje o poreskoj registraciji (ID broj),
- c) spesimen potpisa iz banke osoba odgovornih za finansije,

- d) dokaz da nije pod stečajem ili likvidacijom,
- e) dokaz da pravnoj osobi u krivičnom postupku nije izrečena pravosnažna presuda za krivično djelo učešća u kriminalnoj organizaciji, korupciju, prevaru ili pranje novca,
- f) dokaz da nema obaveze u vezi s plaćanjem doprinosa za socijalno osiguranje (PIO/MIO i zdravstveno osiguranje),
- g) dokaz da je ispunio obaveze u vezi s plaćanjem poreza (indirektni i direktni porezi),
- h) odluka o sufinansiranju projekta,
- i) godišnji izvještaj o upravljanju otpadom za prethodnu godinu i to kao izvod iz informacionog sistema upravljanja otpadom,
- j) izjava podnosioca prijave da ukoliko projekat bude odobren od strane Ministarstva, da sredstva Ministarstva neće trošiti na kompenzacije ili cesije i da neće trošiti za transakcije roba, usluga ili radova fizičkim licima,
- k) Važeću dozvolu za upravljanje otpadom izdatu od strane nadležnog ministarstva u skladu sa Zakonom o upravljanju otpadom ("Službene novine Federacije BiH", br. 33/03, 72/09 i 92/17) i važeću okolinsku dozvolu ukoliko je Zakonom o zaštiti okoliša FBiH ("Službene novine FBiH" broj: 15/21) i Uredbom kojom se utvrđuju pogoni i postrojenja koja moraju imati okolinsku dozvolu ("Službene novine FBiH", broj: 51/21 i 74/22) utvrđeno da je aplikant u obavezi pribavljanja iste,
- l) Izjava o primljenim de minimis pomoćima potpisana i ovjerena od odgovornog lica i
- m) projekat (ovjeren i potpisan od strane podnosioca).

Dokumenti iz tačke a), d), e), f) i g) ne mogu biti stariji od tri mjeseca. Dokumenti se prilažu u originalu ili ovjerenoj kopiji.

5. Osnovni kriteriji odabira

Osnovni kriteriji odabira za privredna društva u privatnom vlasništvu su:

- vrsta otpada (do 20 bodova),
- rok realizacije projekta (do 30 bodova),
- sufinansiranje projekta (do 30 bodova) i
- efekat realiziranja projekta na okoliš i stanovništvo (do 20 bodova).

6. Vrednovanje projekta

Prijedlog raspodjele sredstava privrednim društvima u privatnom vlasništvu daje komisija imenovana od strane ministra. Korisnici Javnog konkursa imat će pravo prigovora na preliminarne liste u roku od osam dana od dana objavljivanja preliminarne liste korisnika javnog konkursa na web stranici Ministarstva. Nakon odlučivanja po prigovorima Ministarstvo će objaviti konačnu listu korisnika dodijeljenih namjenskih sredstava.

7. Opće odredbe

Privredna društva u privatnom vlasništvu imaju pravo na Javni konkurs prijaviti jedan projekat. Ukupna sredstva za dodjelu iznose 577.473,00 KM. Maksimalni iznos koji se privrednom društvu u privatnom vlasništvu može odobriti za projekat je 50.000 KM.

Prijave se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Fra Grge Martića br. 8, Tuzla),
(sa naznakom: „ZA JAVNI KONKURS PRIVREDNIM DRUŠTVIMA U PRIVATNOM
VLASNIŠTVU– NE OTVARATI“)

Rok za podnošenje prijave je 15 dana od dana objavljivanja javnog konkursa na web stranici Ministarstva www.mpuzotk.gov.ba. Uz Javni konkurs za dodjelu sredstava privrednim društvima u privatnom vlasništvu bit će objavljen i obrazac iz tačke 3. javnog konkursa i Izjava o primljenim de minimis pomoćima.

Neblagovremene i nepotpune prijave neće se uzeti u razmatranje.